



Aveys public conc. restricziuns da traffic sen territori digl cumegn da Surses (conc. Bivio)

An connex cun igl decret dalla lescha per carar sen veias da fons, prada, gôt ed alps cun vehichels a motor digl cumegn da Surses, vignan introduceidas restricziuns da traffic.

La pulizeia cantunala (partiziun tecnica da traffic) ò examinò la dumonda digl cumegn da Surses e l'ò approvada cun disposiziun digl 1. da settember 2022, sa basond sen art. 3 alinea 3 e 4 dalla lescha davart igl traffic sen veia (LTV; CS 741.01)) ed art. 7 alinea 1 e 2 dalla lescha introductiva tar la lescha federala davart igl traffic sen veia (LITLTV; DG 870.100) ed art. 4 dall'ordinaziun tar la lescha introductiva tar la lescha federala davart igl traffic sen veia (ORTLITLTV; DG 870.110).

Per consequenza dispona la pulizeia cantunala digl Grischun tenor l'ordinaziun davart la signalisaziun dallas veias (OSV/SSV; SR 741.21) las suandontas restricziuns da traffic segl territori digl cumegn da Surses (conc. Bivio):

Scumond per vehichels a motor, motos e velos a motor (sig. 2.14 [2.03, 2.04, 2.06])

Tavla supplementara: lubia per travagl agricol e forestal

- | | |
|----------------------------|-----------------------------------|
| - Bivio, Planient | coordinatas: 2'769'794, 1'149'310 |
| - Bivio, Stalveder | coordinatas: 2'769'363, 1'150'042 |
| - Bivio, Val Beiva | coordinatas: 2'769'224, 1'147'994 |
| - Bivio, Tgavretscha | coordinatas: 2'770'448, 1'146'488 |
| - Bivio, Stalveder Surrein | coordinatas: 2'769'131, 1'150'286 |

Scumond per vehichels a motor, motos e velos a motor (sig. 2.14 [2.03, 2.04, 2.06])

Tavla supplementara: lubia per travagl agricol e forestal scu er cun lubientscha digl cumegn

- | | |
|---------------------|-----------------------------------|
| - Bivio, Curtinfess | coordinatas: 2'770'448, 1'146'247 |
|---------------------|-----------------------------------|

Durant la staschung d'anviern vign la tavla supplementara allontanada ed i valan nignas excepziuns digl scumond da carar signaliso.

Peisa maximala 18 t (sig. 2.16)

- | | |
|---------------------|-----------------------------------|
| - Bivio, Curtinfess | coordinatas: 2'770'448, 1'146'247 |
|---------------------|-----------------------------------|

La disposiziun dalla limitaziun da peisa succeda sen basa dalla lescha per carar sen veias da fons, prada, gôt ed alps cun vehichels a motor digl cumegn da Surses.

Parcar cun paer taxas (sig. 4.20)

Taxas tenor la lescha per carar sen veias da fons, prada, gôt ed alps cun vehichels a motor digl cumegn da Surses

- | | |
|----------------------|-----------------------------------|
| - Bivio, Tua | coordinatas: 2'770'336, 1'147'798 |
| - Bivio, Spargnapang | coordinatas: 2'770'455, 1'146'507 |

La disposiziun digl departamaint digls 16 d'avregl 2004 pertutgont igls scumonds da carar segl territori digl anteriour cumegn da Bivio vign annullada.

Objecziuns cunter l'introducziun dallas restricziuns da traffic pon neir inoltradas an terma da 30 deis siva la publicaziun an scretg alla suprastanza communal. Siva la repassada d'eventualas objecziuns decida la suprastanza communal e publitzescha la sia decisiun tenor art. 107 alinea 1 dall'ordinaziun davart la signalisaziun dallas veias (OSV/SSV; SR 741.21) aint igl figl uffizial digl cantun Grischun cun l'indicaziun davart igls meds legals alla dertgira administrativa digl



cantun Grischun (art. 49 alinea 1 lit. a dalla lescha davart la giurisdicziun administrativa [LGA; DG 370.100]).

Las maseiras von an vigour siva la scadenza digl termin da recurs legal cun montar las signalisaziuns correspondentas.

Las actas pertutgont l'introducziun dallas restricziuns da traffic fixadas vignan exponeidas durant 30 deis aint igl biro digl manader dalla partiziun digls sarvetschs technics ainten l'antierioura tgesa communal da Savognin. Da chellas actas ins pò piglier invista siva cunvigna telefonica (telefon 081 659 11 81 u telefonign 078 718 69 26).

Tinizong, igls 18 d'otgover 2022

Suprastanza communal Surses